



AN COIMISIÚN EORPACH

An Bhruiséal 13.7.2011  
COIM(2011) 416 leagan deireanach

2011/0194 (COD)

Togra le haghaidh

**RIALACHÁIN Ó PHARLAIMINT NA hEORPA AGUS ÓN gCOMHAIRLE**  
**maidir le comheagraíocht na margáí i dtáirgí iascaigh agus do Bharshaothraithe**

{SEC(2011) 883 leagan deireanach}

{SEC(2011) 884 leagan deireanach}

## MEABHRÁN MÍNIÚCHÁIN

### 1. COMHTHÉACS AN TOGRA

Tá Comheagraíocht Mhargaidh i dtáirgí iascaigh agus dobharshaothraithe i bhfeidhm ó 1970 i leith. Crann taca de chuid an Chomhbheartais Iascaigh is ea é. Is é Rialachán 104/2000, a glacadh in 1999, is bunús dlí leis faoi láthair. A bhí leis an athchóiriú atáthar a dhéanamh faoi láthair ar an gComhbheartas Iascaigh, tá deis shármhaith ann dul siar ar chuspóirí agus ar ionstraimí na Comheagraíochta Margaidh a bhaineann le táirgí iascaigh agus dobharshaothraithe, agus athbhreithniú a dhéanamh orthu, b'fhéidir.

#### **Na fadhbanna a sainaitníodh agus cuspóirí an athchóirithe**

Ó 2008 i leith, tá meastóireachtaí agus comhairliúcháin chuimsitheacha déanta ag an gCoimisiún chun measúnú a dhéanamh ar fheidhmíocht an chreata dlí atá ann faoi láthair, chun treochtaí an mhargaidh san AE le deich mbliana anuas a thuiscint agus a anailísiú, agus chun tuairimí na bpáirtí leasmhara a fháil.

Tháinig chun solais san anailís cúig cinn de réimsí ina bhfuil fadhbanna; seo thíos achoimriú orthu:

Níor leor an cuidiú a bhí i gComheagraíocht Mhargaidh an AE i dtaca le táirgeadh inbhuanaithe; in ainneoin nach saothraítear iascach an AE ar bhealach inbhuanaithe, ní raibh go dtí le déanaí ach buntáistí neamhthábhachtacha le fáil ar an margadh as cleachtais inbhuanaithe agus níorbh ann do smachtbhannaí as cleachtais neamh-inbhuanaithe nó cleachtas a d'fhéadfadh a bheith neamh-inbhuanaithe. Faoin mbeartas atá ann faoi láthair níor tugadh an teagasc ceart minic go leor.

Tá an suíomh margaidh atá ag táirgeacht an AE imithe chun donais: deiseanna teoranta táirgthe nó deiseanna laghdaithe táirgthe atá i ndán do tháirgeoirí iascaigh agus dobharshaothraithe an AE. Lena chois sin, tá taobh an táirgthe ilroinnte toisc go bhfuil líon mór speiceas agus líon mór láithreán ag a gcuirtear iasc i dtír agus ag a ndíoltar é, ach tá taobh an éilimh comhchruinnithe. Ina theannta sin, níl modhanna táirgthe an AE iomaíoch a ndóthain i margadh atá ag síordhomhandú.

Ní rabhthas in ann luaineachtaí sa mhargadh a thuar ná a bhainistiú; saintréithe de chuid an iascaigh, thar aon earnáil eile a tháirgeann bia, is ea go bhfuil go leor éiginnteachta ag baint le coinníollacha táirgthe agus le rochtain ar an táirgeadh. Ó thaobh soláthair san AE de is deacair a thuar céard a éileofar ó thaobh méid agus caighdeán de. Mar sin féin is amhlaidh nach bhféachann táirgeoirí an AE leis an éileamh atá ar an margadh a chur san áireamh ina gcuid pleananna táirgthe. Is é toradh atá air sin go mbíonn praghsanna chéad-díolacháin thar a bheith luaineach.

Is ar éigean atáimid ag baint leasa as ár n-acmhainn mhargaidh; tá fíorsheans ag táirgeoirí an AE an méadú atá ag teacht ar an tomhailt san AE a chur chun deise agus gnóthachain eacnamaíocha a dhéanamh. Ach tá na costais ar fhaisnéis agus ar idirbhearta ard feadh an tslabhra margaíochta. Ó thaobh an tomhaltóra de, is deacair cinntí eolacha stuama a dhéanamh i ngeall ar a laghad faisnéise a sholáthraítear dó.

Tá bac á chur ar chur chun feidhme na Comheagraíochta Margaidh de dheasca creata atá anásta agus róchasta.

I bhfianaise an méid sin uile tá an leasú atá beartaithe ar an gComheagraíocht Mhargaidh dírithe ar na cuspóirí seo a leanas:

Dreasachtaí margaidh a uasghrádú chun tacú le cleachtas táirgthe inbhuanaithe: Laistigh de na heagraíochtaí táirgeoirí tá táirgeoirí an AE (iascach agus do Bharshaothraithe) ar an líne thosaigh a fhad a bhaineann le táirgeadh, bainistiú laethúil acmhainní agus saincheisteanna margaidh. Ní mór ról, freagrachtaí agus sainorduithe na dtáirgeoirí sin a athbhreithniú i bhfianaise an athchóirithe ar an gComhbheartas Iascaigh sa chaoi is go mbeidh a ngníomhaíochtaí táirgthe níos inbhuanaithe. Ba cheart díriú ar oibreoirí atá suite níos faide anonn ar shlabhra na hearnála féachaint iad a spreagadh le bheith níos tiomanta agus níos stuama ó thaobh foinsiú inbhuanaithe de.

An suíomh margaidh atá ag táirgeacht an AE a fheabhsú: Má dhéileáiltear le neamhfhoirfeachtaí sa mhargadh, le costais arda a bheith ar fhaisnéis agus ar idirbhearta, agus le saincheisteanna eagraíochtúla, féadfar díriú ar ghníomhaíochtaí táirgthe (an soláthar a ghrúpáil agus margaíocht níos fearr a dhéanamh tráth an chéad-díolacháin), ar tháirgeadh an AE a dhéanamh níos iomaíche (caighdeán, nuálaíocht agus breisluach), ar chumhacht margála táirgeoirí a athneartú agus ar chothrom iomaíochta a bhaint amach do gach táirge a mhargaítear san Aontas.

Ba cheart níos mó béime a bheith i straitéisí na dtáirgeoirí ar fheabhas a chur ar an nasc idir táirgeadh san AE ar thaobh amháin agus athruithe struchtúracha margaidh agus luaineachtaí san AE ar an taobh eile. D'fhágfadh sé sin gurbh fhusa eolas ar an margadh a fhorbairt agus anailís a dhéanamh ar thaobh an éilimh agus ar sholáthairtí atá in iomaíocht le chéile. Ba cheart go mbeadh mar thoradh ar thrédhearcacht a mhéadú feadh shlabhra na margaíochta go mbeidh sé níos fusa an soláthar a chur in oiriúint don éileamh agus go gcuirfead feabhas ar cheapadh beartais. Is féidir laghdú ar a luainí atá praghsanna chéad-díolacháin trí bhíthin feabhas a chur ar na coinníollacha faoina gcuirtear táirgí de chuid eagraíochtaí táirgeoirí ar an margadh agus trí bhíthin féachaint chuige go ndéanfar an táirgeadh a phleanáil agus a chur in oiriúint don éileamh ó thaobh caighdeán, cainníochta agus cur i láthair.

An acmhainn mhargaidh atá i dtáirgí an AE a fheabhsú: Níl an margadh inmheánach i dtáirgí iascaigh agus do Bharshaothraithe ag feidhmiú chomh maith agus a d'fhéadfadh sé a bheith ag feidhmiú, agus is easpa faisnéise go háirithe faoi deara sin. D'fhéadfaí leas níos fearr a bhaint as na scothbhuntáistí atá ag táirgeacht an AE (úire, tionscnamh áitiúil, éagsúlacht) trí bhíthin iad a éagsúlú agus a mharsantú a thuilleadh. Ina cheann sin, tá sé de cheart ag custaiméirí an AE faisnéis bheacht iontaofa a fháil sa chaoi is go n-athneartófar an mhuinín atá acu i dtáirgí iascaigh agus do Bharshaothraithe.

Tacú le rialachas níos fearr a dhéanamh, leis an ualach riaracháin a laghdú agus leis an gcreat dlí a shimpliú: Ba cheart na forálacha agus na hionstraimí atá ann cheana a athbhreithniú, a shimpliú agus a shoiléiriú. Ba cheart tacú leis an gComheagraíocht Mhargaidh leis an gciste nua airgeadais atá le cur chun feidhme laistigh den Chombheartas Iascaigh athchóirithe.

### **Idirghníomhaíocht le hathchóiriú an Chombheartais Iascaigh**

Is é príomhchuspóir an athchóirithe ar an gComhbheartas Iascaigh bainistiú inbhuanaithe acmhainní iascaigh a chur chun cinn trí bhíthin earnála atá inmharthana go heacnamaíoch,

earnáil a dtabharfar breis cumhachta dí í féin a bhainistiú. I measúnú iarmharta an Chomhbheartais Iascaigh thángthas ar an gconclúid gur ghá athchóiriú forleathan a dhéanamh ar an gComheagraíocht Mhargaidh i bhfianaise chuspóirí agus ionstraimí nua an Chomhbheartais Iascaigh: ba cheart go mbeadh ionstraimí atá dírithe ar an margadh ina gcuidiú, go díreach nó go hindíreach, le príomhchuspóirí an Chomhbheartais Iascaigh a bhaint amach.

Chun dul i ngleic leis an ról-iascaireacht agus le cleachtais nach bhfuil inbhuanaithe agus chun imeacht ó straitéisí táirgthe atá bunaithe ar mhéideanna amháin, tacóidh an beartas margaidh nua leis na nithe seo a leanas:

Cumhacht a thabhairt d'eagraíochtaí táirgeoirí cearta rochtana chomh maith le gníomhaíochtaí táirgthe agus margaíochta a chomhbhainistiú;

Bearta margaidh a mhéadaíonn cumhacht margála táirgeoirí (san iascach agus sa dobharshaothrú), a fheabhsaíonn an cumas géarchéimeanna margaidh a thuar, a chosc agus a bhainistiú, agus a chothaíonn trédhearcacht agus éifeachtúlacht sa mhargadh;

Dreasachtaí agus préimheanna margaidh i gcomhair cleachtas inbhuanaithe; comhpháirtíochtaí le haghaidh táirgeadh, foinsiú agus tomhaltas inbhuanaithe; deimhniúchán (eicilipéid), cur chun cinn, faisnéis le haghaidh tomhaltóirí;

Bearta margaidh breise maidir le hiasc a chaitear ar ais san fharraige.

## **Forálacha de chuid an AE atá ann cheana sa réimse seo**

Is é Rialachán (CE) Uimh. 104/2000 ón gComhairle lena mbunaítear Comheagraíocht Mhargaidh i dtáirgí iascaigh agus dobharshaothraithe an creat rialála atá ann faoi láthair. Tá sé beartaithe an togra seo a chur in ionad an Rialacháin sin.

## **2. TORTHAÍ NA gCOMHAIRLIÚCHÁN LEIS NA PÁIRTITHE LEASMHARA AGUS NA MEASÚNUITHE TIONCHAIR**

Rinneadh comhairliúcháin leis na geallsealbhóirí ar leibhéal éagsúla ó bhí 2008 ann:

Rinneadh comhairliúchán poiblí ar líne maidir le saincheisteanna margaidh agus trádála ón 9 Aibreán 2009 go dtí an 31 Nollaig 2009 i gcomhthéacs an Pháipéir Uaine ar athchóiriú an Chomhbheartais Iascaigh (COIM(2009)163 críochnaitheach). Is le hathchóiriú ar an gComheagraíocht Mhargaidh a bhain an 400 freagra go léir, beagnach, a fuarthas ar an bPáipéar Uaine. Tá achoimre air sin i gCaibidil ar leith (3.4) den Doiciméad Inmheánach Oibre de chuid an Choimisiúin dar teideal 'Synthesis of the Consultation on the reform of the Common Fisheries Policy' (Achoimre ar an gComhairliúchán maidir le hathchóiriú ar an gComhbheartas Iascaigh) SEC(2010)428 críochnaitheach – Aibreán 2010).

Rinneadh comhairliúchán forleathan le lucht na hearnála (táirgeoirí, allmhaireoirí, próiseálaithe, miondíoltóirí) agus le gníomhairí neamhrialtasacha (eagraíochtaí neamhrialtasacha forbartha agus comhshaoil, eagraíochtaí tomhaltóirí) laistigh de na comhlachtaí comhairliúcháin a cuireadh ar bun faoin gComhbheartas Iascaigh agus, ina theannta sin, reáchtáladh seimineáir théamacha. Rinneadh plé forleathan leis na Ballstáit, lena n-áirítear cruinnithe déthaobhacha le hionadaithe náisiúnta de chuid na hearnála, le lucht riaracháin náisiúnta agus réigiúnach, agus leis an gCoiste Bainistíochta. Bhí dlúthbhaint ag

Parlaimint na hEorpa, an Coiste um Iascach go háirithe, leis na himeachtaí sin agus leis na comhairliúcháin sin go léir.

## **Measúnuithe tionchair**

Cruthaíodh grúpa stiúrtha idirsheirbhíse laistigh den Choimisiún agus chuir an grúpa sin a thuairimí uaidh le linn phróiseas an mheasúnaithe tionchair. Tar éis anailís a dhéanamh ar an gcreat beartais atá ann faoi láthair agus ar fhorbairtí i margadh an AE i dtáirgí iascaigh agus dobharshaothraithe, sainaitníodh roinnt réamhchuspóirí a bheadh ag leagan athchóirithe den Chomheagraíocht Mhargaidh. I bhfianaise na gcuspóirí sin, measadh roinnt roghanna beartais maidir le hathchóiriú a dhéanamh:

An Chomheagraíocht Mhargaidh atá ann faoi láthair i dtáirgí iascaigh agus dobharshaothraithe a choinneáil ar bun. B'ionann sin agus a bheith ag úsáid idirghabhálacha margaidh, thar aon ní eile, chun cobhsaíocht praghsanna a áirithiú.

An Chomheagraíocht Mhargaidh atá ann faoi láthair i dtáirgí iascaigh agus dobharshaothraithe a athbhreithniú trí bhíthin na meicníochtaí idirghabhála a laghdú sa chaoi is nach mbeadh fanta ach cúnaimh stórála aonair i gcomhair táirgí iascaigh atá ceaptha lena gcaitheamh ag an duine agus trí bhíthin ionstraimí eile a dhéanamh níos simplí, níos iomchuí agus níos solúbtha (caighdeáin mhargáíochta agus faisnéis do thomhaltóirí).

Feabhas a chur ar an gComheagraíocht Mhargaidh i dtáirgí iascaigh agus dobharshaothraithe trí bhíthin cuspóirí nua a thabhairt d'eagraíochtaí táirgeoirí agus d'eagraíochtaí idirchraoibhe agus tacaíocht airgeadais a thabhairt dóibh chun pleananna margaíochta agus táirgthe inbhuanaithe a dhréachtú agus a chur chun feidhme. Leathnófaí ábhar agus raon feidhme na faisnéise sainordaithe a thugtar do thomhaltóirí. Breithneofar lipéadú deonach ó thaobh cruinnis agus an rialaithe a dhéantar air.

An Chomheagraíocht Mhargaidh atá ann faoi láthair i dtáirgí iascaigh agus dobharshaothraithe a dhírialú. Choisceadh an rogha seo gach tacaíocht airgeadais (idirghabháil agus tacaíocht le haghaidh comhghníomhaíochtaí) agus aon ionstraim shonrach dlí maidir le táirgí iascaigh agus dobharshaothraithe.

Breithníodh an rogha an *status quo* a choinneáil ar bun ach measadh go raibh sé neamh-éifeachtúil agus róchasta chun na cuspóirí atá ann faoi láthair a bhaint amach. Dhá bhliain déag tar éis a glactha, dealraíonn sé nach bhfuil an Chomheagraíocht Mhargaidh atá ann faoi láthair in ann ag dúshláin mhargadh an AE. Ba neamh-éifeachtaí arís í faoin gComhbheartas Iascaigh athchóirithe, agus go deimhin d'fhéadfadh sé nach mbeadh sí i gcomhréir leis na cuspóirí athchóirithe.

Príomheasnaimh na comheagraíochta margaidh atá ann faoi láthair a leigheas trí choigeartuithe agus simplithe a mholadh a chuirfeadh feabhas ar a feidhmíocht. Ní bheadh sé sin ábhartha ach i bpáirt do phríomhchuspóirí an athchóirithe ar an gComhbheartas Iascaigh, áfach.

Deireadh a chur le Comheagraíocht Mhargaidh an AE ina hiomláine: fiú amháin nuair a chuirtear san áireamh go bhfuil méadú tagtha ar fhorbairtí margadh-bhunaithe agus ar dhreasachtaí inbhuanaitheachta, ní rachadh an rogha seo i ngleic leis na príomhfhadhbanna a sainaitníodh, i.e. earnáil soláthair an AE a bheith ilroinnte agus an baol go dtabharfaí faisnéis mhíthreorach nó mhearbhloch do thomhaltóirí.

Dá bhrí sin, tacaíonn an Coimisiún le feabhas a chur ar an gComheagraíocht Mhargaidh chun cuidiú leis an earnáil iascaigh agus do Bharshaothraithe agus í ag druidim i dtreo chleachtas an táirgthe inbhuanaithe. Is féidir mórán a dhéanamh ó thaobh eagrúcháin agus margafóichta de chun go mbeidh sé níos fusa an soláthar a thuar agus chun an costas ar idirbhearta a laghdú. Leagtar béim sa rogha seo ar an ról atá ag gach príomh-gheallsealbhóir i gcur chun cinn cleachtas inbhuanaithe. Ba cheart an Chomheagraíocht Mhargaidh a bheith ina cabhair luach breise táirgí iascaigh agus do Bharshaothraithe a mhéadú i gcomhthéacs ina bhfuil tacaíocht airgeadais á aistriú ón gcabhlach (go háirithe diúscairt agus scor sealadach), chuig cleachtas san earnáil iascaigh agus do Bharshaothraithe atá cliste, glas, nuálach agus dírithe ar an margadh.

### **3. EILIMINTÍ DLÍ AN TOGRA**

#### **Bunús dlí**

Airteagal 43(2) den Chonradh ar Fheidhmiú an Aontais Eorpaigh.

#### **Prionsabal na coimhdeachta**

Tagann an togra seo faoi inniúlachtaí atá roinnte agus, dá bhrí sin, tá feidhm ag prionsabal na coimhdeachta.

#### **Prionsabal na comhréireachta**

Comhlíonann an togra prionsabal na comhréireachta ar an gcúis seo a leanas:

Ó tharla gur comhbheartas atá sa Chomhbheartas Iascaigh ba cheart é a chur chun feidhme le Rialachán arna ghlacadh ag Parlaimint na hEorpa agus ag an gComhairle.

Chun an bunchuspóir a bhaint amach arb é atá ann féachaint chuige go mbeidh tionscail iascaigh agus do Bharshaothraithe ann ina mbeidh na dálaí eacnamaíocha, comhshaoil agus sóisialta inbhuanaithe san fhadtéarma agus a mhéadóidh ar an soláthar bia, is gá agus is iomchuí rialacha a leagan síos maidir le caomhnú agus saothrú acmhainní bitheolaíocha na mara. Ní théann an Rialachán seo thar a bhfuil riachtanach chun a chuspóir a bhaint amach.

Togra le haghaidh

## **RIALACHÁIN Ó PHARLAIMINT NA hEORPA AGUS ÓN gCOMHAIRLE**

**maidir le comheagraíocht na margaí i dtáirgí iascaigh agus do Bharshaothraithe**

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 42 agus Airteagal 43(2) de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na Parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa<sup>1</sup>,

Ag féachaint don tuairim ó Choiste na Réigiún<sup>2</sup>,

Ag gníomhú dóibh i gcomhréir leis an ngnáthnós imeachta reachtach,

De bharr an méid seo a leanas:

- (1) Cumhdaíonn raon feidhme an Chomhbheartais Iascaigh bearta maidir leis na margaí i dtáirgí iascaigh agus do Bharshaothraithe san Aontas. Cuid dhílis den Chomhbheartas Iascaigh is ea comheagraíocht na margaí i dtáirgí iascaigh agus do Bharshaothraithe ('an Chomheagraíocht Mhargaidh' anseo feasta) agus ba cheart í a bheith ina cuidiú le cuspóirí an chomhbheartais a bhaint amach. Ó tharla go bhfuil an Comhbheartas Iascaigh á athbheithniú, ba cheart an Chomheagraíocht Mhargaidh a oiriúnú dá réir.
- (2) Is gá Rialachán (CE) Uimh.104/2000 an 17 Nollaig 1999 ón gComhairle maidir le comheagraíocht na margaí i dtáirgí iascaigh agus do Bharshaothraithe<sup>3</sup> a athbheithniú chun easnaimh a braitheadh i gcur chun feidhme na bhforálacha atá i bhfeidhm faoi láthair, athruithe a tharla le déanaí i margaí an AE agus i margaí an domhain, agus forás gníomhaíochtaí iascaigh agus do Bharshaothraithe a chur san áireamh.
- (3) Ba cheart forálacha na Comheagraíochta Margaidh a chur chun feidhme i gcomhréir le gealltanais idirnáisiúnta an Aontais, go háirithe ó thaobh fhorálacha na hEagraíochta Trádála Domhanda.
- (4) Ba cheart an Chomheagraíocht Mhargaidh a bheith ina chuidiú le cuspóirí an Chomhbheartais Iascaigh a bhaint amach.

---

<sup>1</sup> IO C , , lch. .

<sup>2</sup> IO C , , lch. .

<sup>3</sup> IO L 17, 21.1.2000, lch. 22.

- (5) Ó tharla nach féidir leis na Ballstáit na cuspóirí sin a bhaint amach go leordhóthanach toisc gur margadh coiteann é an margadh i dtáirgí iascaigh agus do Bharshaothraithe agus gur fearr is féidir, toisc go bhfuil gá le tuilleadh comhghníomhaíochta, iad a bhaint amach ar leibhéal an Aontais, féadfaidh an tAontas bearta a ghlacadh, i gcomhréir le prionsabal na coimhdeachta, arna leagan amach in Airteagal 5 den Chonradh ar an Aontas Eorpach. I gcomhréir le prionsabal na comhréireachta, arna leagan amach san Airteagal sin, ní théann an Rialachán seo thar a bhfuil riachtanach chun na cuspóirí sin a bhaint amach.
- (6) Tá sé tábhachtach go mbainistefar an Chomheagraíocht Mhargaidh de réir phrionsabail dea-rialachais an Chomhbheartais Iascaigh
- (7) Is iad na heagraíochtaí táirgeoirí na príomhghníomhaithe ó thaobh chur i bhfeidhm iomchuí an Chomhbheartais Iascaigh agus na Comheagraíochta Margaidh de. Is gá, dá bhrí sin, spriocanna na n-eagraíochtaí sin a neartú chun a áirithiú go rachaidh a mbaill i mbun gníomhaíochtaí iascaigh agus do Bharshaothraithe ar bhealach inbhuanaithe, go bhfeabhasóidh siad an chaoi a gcuirtear táirgí ar an margadh, agus go mbaileoidh siad faisnéis eacnamaíoch faoi dhobharshaothrú. Agus iad ag féachaint leis na spriocanna sin a bhaint amach, ba cheart d'eagraíochtaí táirgeoirí dálaí éagsúla na hearnála iascaigh agus na hearnála do Bharshaothraithe san Aontas a chur san áireamh, sainiúlachtaí iascaigh mhionscála go háirithe.
- (8) Eagraíochtaí idirchraoibhe a chuimsíonn catagóirí éagsúla oibreoirí, d'fhéadfaidís cuidiú le feabhas a chur ar chomhordú gníomhaíochtaí margáíochta feadh an tslabhra luacha agus le bearta a bheadh le leas na hearnála ina hiomláine a fhorbairt.
- (9) Is iomchuí coinníollacha coiteanna a leagan síos maidir leis na Ballstáit aitheantas a thabhairt d'eagraíochtaí táirgeoirí agus eagraíochtaí idirchraoibhe a aithint, maidir leis na rialacha arna nglacadh ag na heagraíochtaí táirgeoirí agus ag na heagraíochtaí idirchraoibhe a shíneadh, agus maidir leis na costais a eascraíonn as síneadh dá leithéid a roinnt. Ba cheart an nós imeachta maidir le rialacha a shíneadh a bheith faoi réir údarú ón gCoimisiún.
- (10) Ionas go bhféadfaidh eagraíochtaí táirgeoirí a gcuid ball a stiúradh i dtreo gníomhaíochtaí iascaigh agus do Bharshaothraithe inbhuanaithe, ba cheart do na heagraíochtaí táirgeoirí plean margáíochta a shainiú ina bhfuil na bearta is gá chun a spriocanna a bhaint amach a shainiú agus a chur faoi bhráid údaráis inniúla na mBallstát.
- (11) Ó tharla gur deacair gníomhaíochtaí iascaigh a thuar, is iomchuí meicníocht a bhunú chun táirgí iascaigh atá ceaptha lena gcaitheamh ag daoine a stóráil d'fhonn breis cobhsaíochta a chothú sa mhargadh agus an brabús a thugann táirgí a mhéadú, go háirithe trí bhreisluach a chruthú. Ba cheart don mheicníocht seo a bheith ina cuidiú le margáí áitiúla an Aontais a chobhsú agus a chóineasú d'fhonn an margadh aonair a bhaint amach.
- (12) Féadfaidh eagraíochtaí táirgeoirí comhchiste a chruthú chun an táirgeadh, na pleananna margáíochta agus an mheicníocht stórála a mhaoiniú.
- (13) D'fhonn éagsúlacht praghsanna ar fud an Aontais a chur san áireamh, ba cheart gach eagraíocht táirgeoirí a bheith i dteideal moladh a dhéanamh maidir leis an bpraghas ag



a gcuirfí ar obair an mheicníocht stórála. Níor cheart a bheith mar thoradh ar an trucearphraghas go socrófaí íospthaghsanna a d'fhéadfadh bac a chur leis an iomaíocht.

- (14) Ó tharla gur comhacmhainní iad stoic éisc, is fusa, i gcásanna áirithe, d'eagraíochtaí ina bhfuil baill ó Bhallstáit éagsúla iad a shaothrú ar bhealach inbhuanaithe éifeachtúil. Is gá, dá bhrí sin, foráil a dhéanamh maidir le heagraíochtaí táirgeoirí trasnáisiúnta agus comhlachais eagraíochtaí táirgeoirí trasnáisiúnta a bhunú a bheadh faoi réir na rialacha iomaíochta dá bhforáiltear sa Rialachán seo i gcónaí.
- (15) Ba cheart go bhféadadh cur i bhfeidhm comhchaighdeán margaíochta go soláthrófaí táirgí inbhuanaithe don mhargadh, go mbainfí an leas is mó is féidir as an margadh inmheánach i dtáirgí iascaigh agus dobharshaothraithe, agus go n-éascófaí tráchtáil atá bunaithe ar iomaíocht chothrom, agus ar an dóigh sin feabhas a chur ar acmhainn brabúis an táirgthe.
- (16) Ó tharla go bhfuil táirgí iascaigh agus dobharshaothraithe ag dul chun éagsúlachta, tá sé fíor-riachtanach íosmhéid faisnéise a sholáthar do thomhaltóirí maidir le príomhthréithe táirgí. Chun difreáil táirgí a chur chun cinn, is gá faisnéis bhreise a d'fhéadfaí a lua ar bhonn deonach a chur san áireamh freisin.
- (17) Na rialacha iomaíochta a bhaineann le comhaontuithe, cinntí agus cleachtas dá dtagraítear in Airteagal 101 den Chonradh, ba cheart feidhm a bheith acu maidir le táirgí iascaigh agus dobharshaothraithe, a mhéid nach gcuireann a gcur i bhfeidhm bac ar fheidhmiú chomheagraíocht na margaí nó nach gcuireann a gcur i bhfeidhm baint amach spriocanna Airteagal 39 den Chonradh i mbaol.
- (18) Is iomchuí rialacha iomaíochta a leagan síos a bheadh infheidhme maidir le táirgeadh agus margaíocht táirgí iascaigh agus dobharshaothraithe, á chur san áireamh saintréithe na hearnála iascaigh agus dobharshaothraithe, lena n-áirítear an earnáil a bheith ilroinnte, éisc a bheith ina gcomhacmhainn agus a líonmhaire atá allmhairí. Ar mhaithe le simpliú, ba cheart a ionchorprú sa Rialachán seo forálacha ábhartha Rialachán (CE) Uimh. 1184/2006 ón gComhairle an 24 Iúil 2006 lena ndéantar rialacha áirithe iomaíochta a chur i bhfeidhm maidir le táirgí áirithe talmhaíochta<sup>4</sup>. Níor cheart, dá bhrí sin, feidhm a bheith a thuilleadh ag Rialachán (CE) Uimh. 1184/2006 maidir le táirgí iascaigh agus dobharshaothraithe.
- (19) Is gá feabhas a chur ar an bhfaisnéis eacnamaíoch faoi na margaí i dtáirgí iascaigh agus dobharshaothraithe.
- (20) Ionas go bhféadfar na coinníollacha agus na ceanglais maidir le haithint eagraíochtaí táirgeoirí a fhorlíonadh nó a leasú, ábhar an phlean táirgthe agus margaíochta a fhorlíonadh nó a leasú, na comhchaighdeáin mhargaíochta a shainiú agus a leasú, faisnéis shainordaitheach a fhorlíonadh nó a leasú agus íoschritéir a leagan síos maidir le faisnéis a sholáthraíonn oibreoirí do thomhaltóirí go deonach, ba cheart an chumhacht a tharmligean chuig an gCoimisiún i ndáil le hAirteagail 24, 33, 41 agus 46 gníomhartha a ghlacadh i gcomhréir le hAirteagal 290 den CFAE.

---

<sup>4</sup> IO L 214, 4.8.2006, lch. 7.

- (21) Tá sé thar a bheith tábhachtach go rachaidh an Coimisiún i mbun comhairliúcháin iomchuí le linn a oibre ullmhúcháin, lena n-áirítear comhairliúcháin le saineolaithe. Agus gníomhartha tarmhligthe á n-ullmhú agus á dtarraingt suas aige, ba cheart don Choimisiún a áirithiú go ndéanfar na doiciméid ábhartha a tharchur go comhuaineach, go tráthúil agus go hiomchuí, chuig Parlaimint na hEorpa agus chuig an gComhairle.
- (22) Chun a áirithiú go mbeidh coinníollacha cur chun feidhme Airteagail 25, 31, 34 agus 37 den Rialachán seo aonfhoirmeach, ba cheart cumhachtaí cur chun feidhme a thabhairt don Choimisiún. Ba cheart na cumhachtaí sin a fheidhmiú i gcomhréir le Rialachán (AE) Uimh. 182/2011 ó Pharlaimint na hEorpa agus ón gComhairle an 16 Feabhra 2011 lena leagtar síos na rialacha agus na prionsabail ghinearálta a bhaineann le meicníochtaí maidir leis na Ballstáit rialú a dhéanamh ar fheidhmiú a chumhachtaí cur chun feidhme ag an gCoimisiún.
- (23) Ba cheart Rialachán (CE) Uimh. 104/2000 ón gComhairle a aisghairm ach ba cheart leanúint d'fheidhm a bheith ag Airteagail 9, 10, 11, 17, 18, 19, 20, 21, 22, 23, 24, 25, 26, 27, 34, 35, 36, 37, 38 agus 39 go dtí teacht i bhfeidhm an Rialacháin maidir leis an gCiste Eorpach Iascaigh agus Dobharshaothraithe.

TAR ÉIS AN RIALACHÁN SEO A GHLACADH:

## **Caibidil I**

### **Forálacha ginearálta**

#### *Airteagal 1* *Ábhar*

1. Bunaítear leis seo comheagraíocht na margaí i dtáirgí iascaigh agus dobharshaothraithe ('Comheagraíocht Mhargaidh' anseo feasta).
2. Is éard a bheidh sa Chomheagraíocht Mhargaidh na hionstraimí seo a leanas:
  - (a) eagraíochtaí gairmiúla;
  - (b) caighdeáin mhargaíochta;
  - (c) faisnéis do thomhaltóirí;
  - (d) rialacha iomaíochta
  - (e) faisnéis faoin margadh.

#### *Airteagal 2* *Raon feidhme*

Beidh feidhm ag an gComheagraíocht Mhargaidh maidir leis na táirgí iascaigh agus dobharshaothraithe atá liostaithe in Iarscríbhinn I a ghabhann leis an Rialachán seo, ar táirgí iad a mhargaítear san Aontais.

*Airteagal 3*  
*Cuspóirí*

Beidh an Chomheagraíocht Mhargaidh ina cuidiú leis na cuspóirí atá leagtha síos in Airteagal 2 agus Airteagal 3 den Rialachán maidir leis an gComhbheartas Iascaigh a bhaint amach.

*Airteagal 4*  
*Prionsabail*

Beidh mar threoir ag an gComheagraíocht Mhargaidh prionsabail an dea-rialachais atá leagtha síos in Airteagal 4 den Rialachán maidir leis an gComhbheartas Iascaigh.

*Airteagal 5*  
*Sainmhínte*

Chun críocha an Rialacháin seo, beidh feidhm ag na sainmhínte dá dtagraítear in Airteagal 3 den Rialachán maidir leis an gComhbheartas Iascaigh. Beidh feidhm ag na sainmhínte seo a leanas freisin:

- (a) ciallaíonn 'táirgí iascaigh' orgánaigh uisceacha ar toradh aon ghníomhaíochta iascaigh iad nó táirgí a dhíorthaítear uathu, mar atá liostaithe in Iarscríbhinn I;
- (b) ciallaíonn 'táirgí dobhharshaothraithe' orgánaigh uisceacha, ag aon chéim dá saolré, ar toradh aon ghníomhaíochta dobhharshaothraithe iad nó táirgí a dhíorthaítear uathu, mar atá liostaithe in Iarscríbhinn I;
- (c) ciallaíonn 'táirgeoir' aon duine nádúrtha nó dlítheanach a úsáideann modh táirgthe chun táirgí iascaigh nó dobhharshaothraithe a fháil d'fhonn iad a chur ar an margadh.
- (d) ciallaíonn 'an earnáil iascaigh nó dobhharshaothraithe' an earnáil den gheilleagar a chuimsíonn gach gníomhaíocht táirgthe, phróiseála agus mhargaíochta a bhaineann le táirgí iascaigh nó dobhharshaothraithe;
- (e) ciallaíonn 'cur ar fáil ar an margadh' aon soláthar de tháirge iascaigh nó dobhharshaothraithe atá ceaptha lena dháileadh, lena thomhailt nó lena úsáid ar mhargadh an Aontais le linn gníomhaíochta tráchtála, ar íocaíocht nó saor in aisce;
- (f) ciallaíonn 'cur ar an margadh' an chéad uair a chuirtear táirge iascaigh nó dobhharshaothraithe ar fáil ar mhargadh an Aontais;

## Caibidil II

### Eagraíochtaí gairmiúla

#### ROINN I

#### BUNÚ, CUSPÓIRÍ AGUS BEARTA

##### *Airteagal 6*

##### *Eagraíochtaí táirgeoirí iascaigh a bhunú*

Féadfar eagraíochtaí táirgeoirí iascaigh a bhunú mar ghrúpa arna chur ar bun ar fhéintionscnamh táirgeoirí táirgí iascaigh i mBallstát amháin nó níos mó agus iad a aithint i gcomhréir le Roinn II.

##### *Airteagal 7*

##### *Cuspóirí eagraíochtaí táirgeoirí iascaigh*

Saothróidh eagraíochtaí táirgeoirí táirgí iascaigh na cuspóirí seo a leanas:

- (a) féachaint leis go mbeidh gníomhaíochtaí a mball inbhuanaithe agus i lánchomhréir leis an mbeartas caomhnaithe arna leagan síos sa Rialachán maidir leis an gComhbheartas Iascaigh agus leis an reachtaíocht maidir leis an gcomhshaol;
- (b) gabhálacha gan iarraidh stoc tráchtála a láimhseáil;
- (c) feabhas a chur ar na coinníollacha faoina gcuirtear táirgí iascaigh a mball ar an margadh;
- (d) na margaí a chobhsú;
- (e) feabhas a chur ar acmhainn brabúis táirgeoirí.

##### *Airteagal 8*

##### *Bearta is féidir leis na heagraíochtaí táirgeoirí iascaigh a dhéanamh*

Féadfaidh eagraíochtaí táirgeoirí táirgí iascaigh úsáid a bhaint as na bearta seo a leanas chun na cuspóirí atá leagtha amach in Airteagal 7 a bhaint amach:

- (a) gníomhaíochtaí iascaigh a mball a phleanáil;
- (b) an úsáid is fearr is féidir a bhaint as gabhálacha gan iarraidh stoc tráchtála trí bhíthin:
  - táirgí arna gcur i dtír nach gcomhlíonann na híosmhéideanna margáíochta dá dtagraítear in Airteagal 39(2)(a) a dhiúscairt, i gcás úsáideanna nach úsáid mar bhia don duine iad.

- táirgí arna gcur i dtír a chomhlíonann na híosmhéideanna margaíochta dá dtagraítear in Airteagal 39(2)(a) a chur ar an margadh;
  - táirgí arna gcur i dtír a dháileadh saor in aisce chun críocha daonchairdiúla nó carthanacha.
- (c) táirgeadh a chur in oiriúint do riachtanais an mhargaidh;
  - (d) soláthar agus margaíocht tháirgí a mball a threorú;
  - (e) stóráil shealadach do tháirgí iascaigh a bhainistiú i gcomhréir le hAirteagal 35 agus Airteagal 36;
  - (f) bearta a ghlacadh ionas go gcomhlíonfaidh gníomhaíochtaí a mball na rialacha arna leagan síos ag an eagraíocht táirgeoirí agus rialú a dhéanamh ar an gcomhlíonadh sin.

#### *Airteagal 9*

#### *Eagraíochtaí táirgeoirí do bharshaothraithe a bhunú*

Féadfar eagraíochtaí táirgeoirí do bharshaothraithe a bhunú mar ghrúpa arna chur ar bun ar fhéintionscnamh táirgeoirí táirgí do bharshaothraithe i mBallstát amháin nó níos mó agus iad a aithint i gcomhréir le Roinn II.

#### *Airteagal 10*

#### *Cuspóirí eagraíochtaí táirgeoirí do bharshaothraithe*

Saothróidh eagraíochtaí táirgeoirí táirgí iascaigh na cuspóirí seo a leanas:

- (a) féachaint leis go mbeidh gníomhaíochtaí a mball inbhuanaithe trí bhíthin deiseanna forbartha a chur ar fáil dóibh;
- (b) rannchuidiú leis an soláthar bia agus le cúrsaí fostaíochta i limistéir ar an gcósta agus i limistéir thuaithe;
- (c) fáil amach an bhfuil gníomhaíochtaí a mball ag teacht leis na pleananna náisiúnta straitéiseacha dá dtagraítear in Airteagal 51 den Rialachán maidir leis an gComhbheartas Iascaigh.
- (d) feabhas a chur ar na coinníollacha faoina gcuirtear táirgí do bharshaothraithe a mball ar an margadh;
- (e) feabhas a chur ar acmhainn brabúis táirgeoirí.

#### *Airteagal 11*

#### *Bearta is féidir leis na heagraíochtaí táirgeoirí do bharshaothraithe a dhéanamh*

Féadfaidh eagraíochtaí táirgeoirí do bharshaothraithe úsáid a bhaint as na bearta seo a leanas chun na cuspóirí dá dtagraítear in Airteagal 10 a bhaint amach:

- (a) do Bharshaothrú stuama inbhuanaithe a chur chun cinn, go háirithe a fhad a bhaineann le cosaint an chomhshaoil, le sláinte ainmhithe agus le leas ainmhithe.
- (b) táirgeadh a chur in oiriúint do riachtanais an mhargaidh;
- (c) soláthar agus margú tháirgí a mball a threorú;
- (d) bearta a ghlacadh ionas go gcomhlíonfaidh gníomhaíochtaí a mball na rialacha arna leagan síos ag an eagraíocht táirgeoirí agus rialú a dhéanamh ar na bearta sin;
- (e) faisnéis a bhailiú faoi na táirgí a mhargaítear, lena n-áirítear faisnéis eacnamaíoch faoi chéad-díolacháin agus faoi thuartha táirgeachta.

### *Airteagal 12*

#### *Comhlachais eagraíochtaí táirgeoirí a bhunú*

1. Féadfar comhlachas eagraíochtaí táirgeoirí iascaigh nó do Bharshaothraithe a bhunú mar ghrúpa arna chur ar bun ar fhéintionscnamh eagraíochtaí táirgeoirí atá aitheanta i mBallstáit amháin nó níos mó.
2. Forálacha an Rialacháin seo atá infheidhme maidir le heagraíochtaí táirgeoirí, beidh feidhm acu maidir le comhlachais eagraíochtaí táirgeoirí freisin mura sonraítear a mhalairt.

### *Airteagal 13*

#### *Cuspóirí na gcomhlachas eagraíochtaí táirgeoirí*

Saothróidh comhlachais eagraíochtaí táirgeoirí iascaigh nó do Bharshaothraithe na cuspóirí seo a leanas:

- (a) aon chuspóirí de chuid na n-eagraíochtaí táirgeoirí ar baill iad atá leagtha síos in Airteagal 7 agus in Airteagal 10 a dhéanamh ar bhealach níos éifeachtúla;
- (b) gníomhaíochtaí atá le leas coiteann na n-eagraíochtaí táirgeoirí ar baill iad a chomhordú agus a fhorbairt.

### *Airteagal 14*

#### *Eagraíochtaí idirchraoibhe a bhunú*

Féadfar eagraíochtaí idirchraoibhe a bhunú mar ghrúpa arna chur bun ag oibreoirí táirgí iascaigh agus do Bharshaothraithe ar a dtionscnamh féin i mBallstát amháin nó níos mó agus arna n-aithint i gcomhréir le Roinn II:

### *Airteagal 15*

#### *Cuspóirí eagraíochtaí idirchraoibhe*

Saothróidh eagraíochtaí idirchraoibhe na cuspóirí seo a leanas:

- (a) feabhas a chur ar na coinníollacha faoina gcuirtear ar an margadh táirgí iascaigh agus do Bharshaothraithe an Aontais;
- (b) cuidiú le comhordú níos fearr a dhéanamh ar an gcaoi a ndéantar táirgí iascaigh agus do Bharshaothraithe an Aontais a chur ar an margadh agus a chur ar fáil ar an margadh;

### *Airteagal 16*

#### *Bearta is féidir le heagraíochtaí idirchraoibhe a dhéanamh*

Féadfaidh eagraíochtaí idirchraoibhe úsáid a bhaint as na bearta seo a leanas chun na cuspóirí dá dtagraítear in Airteagal 15 a bhaint amach:

- (a) conarthaí caighdeánacha a luíonn le dlí an Aontais a tharraingt suas;
- (b) táirgí iascaigh agus do Bharshaothraithe an Aontais a chur chun cinn ar bhealach neamh-idirdhealaitheach trí úsáid a bhaint as deimhniú, go háirithe tuairiscí tionscnaimh, séalaí cáilíochta, sonrúchán geografach agus fiúntas táirgí ó thaobh inbhuanaitheachta de.
- (c) rialacha a leagan síos maidir le táirgeadh agus margaiócht táirgí iascaigh agus do Bharshaothraithe atá níos déine ná iad sin atá leagtha síos i reachtaíocht an Aontais nó sa reachtaíocht náisiúnta.
- (d) feabhas a chur ar an táirgeadh agus ar an margadh ó thaobh cáilíochta, eolais, agus trédhearcachta de;
- (e) taighde agus staidéir ar an margadh a dhéanamh, agus teicnící a fhorbairt chun go bhfeidhmeoidh an margadh ar an mbealach is fearr is féidir, lena n-áirítear i réimse na teicneolaíochta faisnéise agus cumarsáide;
- (f) an fhaisnéis is gá a sholáthar agus an taighde is gá a dhéanamh chun soláthairtí a áirithiú a riarfaidh ar riachtanais an mhargaidh agus ionchais tomhaltóirí ó thaobh méid, cáilíochta agus praghais de;
- (g) bearta a ghlacadh ionas go gcomhlíonfaidh gníomhaíochtaí a mball na rialacha arna leagan síos ag an eagraíocht idirchraoibhe agus rialú a dhéanamh ar an gcomhlíonadh sin.

## **ROINN II AITHEANTAS**

### *Airteagal 17*

#### *Eagraíochtaí táirgeoirí a aithint*

Féadfaidh na Ballstáit aitheantas mar eagraíocht táirgeoirí iascaigh nó do Bharshaothraithe a thabhairt do gach grúpa táirgeoirí a iarrann an t-aitheantas sin, ar chuntar:

- (a) go bhfuil siad gníomhach a ndóthain go heacnamaíoch ar a gcríoch nó ar chuid dá gcríoch, go háirithe maidir leis an líon ball agus maidir leis an méid táirgeachta is inmheánaíche;
- (b) go bhfuil pearsantacht dhlítheanach acu faoi dhlí náisiúnta Ballstáit, go bhfuil a gceanncheathrú ar a gcríoch agus go bhfuil siad bunaithe ar an gcríoch sin;
- (c) go bhfuil siad ábalta na cuspóirí atá leagtha síos in Airteagal 7 agus in Airteagal 10 a shaothrú;
- (d) go gcomhlíonann siad na rialacha iomaíochta atá leagtha síos i gCaibidil VI;
- (e) nach bhféadfaidh ceannasacht sa mhargadh a bheith acu mura bhfuil sé sin riachtanach chun cuspóirí Airteagal 39 den Chonradh a shaothrú.

*Airteagal 18*  
*Eagraíochtaí idirchraoibhe a aithint*

Féadfaidh na Ballstáit aitheantas mar eagraíocht idirchraoibhe a thabhairt do gach grúpa atá bunaithe ar a gcríoch agus a dhéanann iarratas iomchuí ar an aitheantas sin, á chur san áireamh dóibh rialacha an Aontais, go háirithe rialacha a bhaineann leis an iomaíocht, ar chuntar:

- (a) gurb iadsan a dhéanann sciar mór de dhá cheann ar a laghad de na gníomhaíochtaí seo a leanas i réimse nó réimsí ar leith: táirgeadh, margáocht, agus próiseáil táirgí iascaigh agus dobharshaothraithe nó táirgí a phróiseáiltear ó tháirgí iascaigh agus dobharshaothraithe;
- (b) nach bhfuil siad féin ag gabháil do tháirgeadh, próiseáil ná margáocht táirgí iascaigh agus dobharshaothraithe nó táirgí a phróiseáiltear as táirgí iascaigh agus dobharshaothraithe;
- (c) go bhfuil pearsantacht dhlítheanach acu faoi dhlí náisiúnta Ballstáit, go bhfuil a gceanncheathrú ar chríoch an Bhallstáit sin agus go bhfuil siad bunaithe ar chríoch an Bhallstáit sin;
- (d) gur féidir leo na cuspóirí atá leagtha síos in Airteagal 15 a chur i gcrích;
- (e) go gcuireann siad leas na dtomhaltóirí san áireamh;
- (f) nach gcuireann siad bac ar dhea-fheidhmiú na Comheagraíochta Margaidh.

*Airteagal 19*  
*An t-aitheantas a thugann na Ballstáit a sheiceáil agus a tharraingt siar*

Déanfaidh na Ballstáit seiceálacha tráthrialta chun a áirithiú go bhfuil eagraíochtaí táirgeoirí agus eagraíochtaí idirchraoibhe ag comhlíonadh na gcoinníollacha maidir le haitheantas atá leagtha síos in Airteagal 17 agus Airteagal 18 agus, i gcás inarb iomchuí, tarraingeoidh siad siar aitheantas a tugadh d'eagraíochtaí táirgeoirí agus d'eagraíochtaí idirchraoibhe.



### *Airteagal 20*

*Eagraíochtaí táirgeoirí trasnáisiúnta, comhlachais eagraíochtaí táirgeoirí agus eagraíochtaí idirchraoibhe*

Ballstáit a bhfuil náisiúnaigh dá gcuid ina mbaill d'eagraíochtaí táirgeoirí nó d'eagraíochtaí idirchraoibhe atá bunaithe i gcríoch Ballstáit eile agus Ballstáit ina bhfuil ceanncheathrú comhlachais eagraíochtaí táirgeoirí atá aitheanta i mBallstáit éagsúla, bunóidh siad, i gcomhar leis na Ballstáit ábhartha, an comhar riaracháin is gá chun seiceálacha a dhéanamh ar ghníomhaíochtaí na heagraíochta nó an chomhlachais i gceist.

### *Airteagal 21*

*Deiseanna iascaireachta a dháileadh*

Aon eagraíocht táirgeoirí ar náisiúnaigh de chuid Ballstát éagsúla a mbaill nó aon chomhlachais eagraíochtaí táirgeoirí atá aitheanta i mBallstáit éagsúla, déanfaidh siad a gcúraimí gan dochar do na forálacha lena rialaítear dáileadh deiseanna iascaireachta ar na Ballstáit i gcomhréir le hAirteagal 16 den Rialachán maidir leis an gComhbheartas Iascaigh.

### *Airteagal 22*

*Cumarsáid leis an gCoimisiún*

Cuirfidh na Ballstáit in iúl don Choimisiún, trí mheán leictreonach, aon chinneadh aitheantas a thabhairt nó a tharraingt siar.

### *Airteagal 23*

*Seiceálacha arna ndéanamh ag an gCoimisiún*

Chun a áirithiú go gcomhlíonfar na coinníollacha atá leagtha síos in Airteagal 17 agus Airteagal 18 maidir le haitheantas a thabhairt d'eagraíochtaí táirgeoirí nó d'eagraíochtaí idirchraoibhe, féadfaidh an Coimisiún seiceálacha a dhéanamh agus, i gcás inarb iomchuí, féadfaidh sé a iarraidh ar na Ballstáit aitheantas eagraíochtaí táirgeoirí nó eagraíochtaí idirchraoibhe a tharraingt siar.

### *Airteagal 24*

*Gníomhartha tarmligthe*

Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 50 chun an méid seo a leanas a dhéanamh:

- (a) na coinníollacha maidir le haitheantas dá dtagraítear in Airteagal 17 agus Airteagal 18 a leasú nó a fhorlíonadh. D'fhéadfadh baint a bheith ag na rialacha sin le feidhmiú inmheánach eagraíochtaí táirgeoirí nó eagraíochtaí idirchraoibhe, a rialacha comhlachais, forálacha airgeadais agus buiséadacha, na hoibleagáidí atá ar a mbaill agus forghníomhú chur i bhfeidhm a rialacha, lena n-áirítear pionóis;

- (b) rialacha a leagan síos maidir le minicíocht, ábhar agus modhanna praiticiúla na seiceálacha atá le déanamh ag na Ballstáit i gcomhréir le hAirteagal 20 agus Airteagal 21.

*Airteagal 25*  
*Gníomhartha cur chun feidhme*

1. Glacfaidh an Coimisiún gníomhartha cur chun feidhme maidir leis na nithe seo a leanas:
  - (a) na spriocdhátaí agus nósanna imeachta atá le cur i bhfeidhm ag na Ballstáit chun aitheantas a thabhairt d'eagraíochtaí táirgeoirí agus d'eagraíochtaí idirchraoibhe de bhun Airteagal 17 nó Airteagal 18 nó chun an t-aitheantas sin a tharraingt siar de bhun Airteagal 19.
  - (b) an fhormáid, na spriocdhátaí agus na nósanna imeachta atá le cur i bhfeidhm ag na Ballstáit agus iad ag cur in iúl don Choimisiún aon chinneadh an t-aitheantas a thabhairt nó a tharraingt siar de bhun Airteagal 22.
2. Déanfar na gníomhartha cur chun feidhme dá dtagraítear i mír 1 den Airteagal seo a ghlacadh i gcomhréir leis an nós imeachta scrúdúcháin dá dtagraítear in Airteagal 51.

**ROINN III**  
**RIALACHA A SHÍNEADH**

*Airteagal 26*  
*Rialacha eagraíochtaí táirgeoirí a shíneadh*

1. Féadfaidh Ballstát na rialacha a comhaontaíodh laistigh d'eagraíocht táirgeoirí a chur de cheangal ar tháirgeoirí nach baill den eagraíocht iad agus a mhargaíonn aon cheann de na táirgí laistigh den limistéar a bhfuil an eagraíocht táirgeoirí ionadaitheach dó ar chuntar:
  - (c) go meastar go bhfuil an eagraíocht táirgeoirí ionadaitheach do tháirgeadh agus do mhargaíocht i mBallstát amháin agus go gcuireann sí iarratas isteach chuig na húdaráis inniúla náisiúnta;
  - (d) go mbaineann na rialacha atá le síneadh le haon cheann de na bearta is féidir leis na heagraíochtaí táirgeoirí a dhéanamh atá leagtha síos in Airteagal 8(a), (b), (c), (d), (e).
2. Chun críocha mhír 1(a) meastar go bhfuil eagraíocht táirgeoirí iascaigh ionadaitheach i gcás inarb ionann í agus ar a laghad 65% de chainníochtaí an táirge i gceist a margaíodh le linn na bliana roimhe sa limistéar a bhfuil sé beartaithe na rialacha a shíneadh chuige.
3. Chun críocha mhír 1(a) meastar go bhfuil eagraíocht táirgeoirí do bharshaothraithe ionadaitheach i gcás inarb ionann í agus ar a laghad 40 % de chainníochtaí an táirge i

gceist a margaíodh le linn na bliana roimhe sa limistéar a bhfuil sé beartaithe na rialacha a shíneadh chuige.

4. Na rialacha atá le síneadh chuig eagraíochtaí nach baill iad, beidh feidhm acu go ceann tréimhse idir 90 lá agus 12 mhí.

#### *Airteagal 27*

##### *Rialacha eagraíochtaí idirchraoibhe a shíneadh*

1. Féadfaidh Ballstát roinnt de na comhaontuithe, de na cinntí nó de na cleachtais chomhbheartaithe a comhaontaíodh laistigh den eagraíocht a chur de cheangal ar eagraíocht idirchraoibhe eile i limistéar ar leith nó i limistéir ar leith, ar oibreoirí nach baill den eagraíocht sin iad, ar chuntar:
  - (e) go ndéanann an eagraíocht idirchraoibhe ar a laghad 65% de na gníomhaíochtaí i gcás ar a laghad dhá cheann de na gníomhaíochtaí seo a leanas: táirgeadh, margaíocht nó próiseáil an táirge i gceist le linn na bliana roimhe sa limistéar nó sna limistéir i gceist den Bhallstát, agus go gcuireann sé iarrtas isteach chuig na húdaráis inniúla náisiúnta;
  - (f) go mbaineann na rialacha atá le síneadh chun oibreoirí eile a chumhdach le haon cheann de na bearta is féidir le heagraíochtaí idirchraoibhe a dhéanamh atá leagtha síos in Airteagal 16 (a), (b), (c), (d), (e) agus (f) agus nach ndéanann siad dochar d'oibreoirí eile sa Bhallstát lena mbaineann ná san AE.
2. Féadfaidh síneadh a chuirtear le rialacha a bheith ina cheangal go ceann tréimhse nach faide ná trí bliana.

#### *Airteagal 28*

##### *Dliteanas*

Nuair a shíntear rialacha chuig eagraíochtaí nach baill iad de réir Airteagal 26 agus Airteagal 27, féadfaidh an Ballstát lena mbaineann cinneadh a dhéanamh go bhfuil eagraíochtaí nach baill iad faoi dhliteanas ag an eagraíocht táirgeoirí nó ag an eagraíocht idirchraoibhe i leith choibhéis na gcostas ar fad nó cuid díobh a d'íoc na baill de thoradh síneadh na rialacha a chur i bhfeidhm.

#### *Airteagal 29*

##### *Údarú ón gCoimisiún*

1. Tabharfaidh na Ballstáit fógra don Choimisiún i leith na rialacha a bhfuil sé beartaithe acu a chur de cheangal ar na táirgeoirí nó ar na hoibreoirí uile i limistéar sonracha nó i limistéir shonracha de bhun Airteagal 26 agus Airteagal 27.
2. Glacfaidh an Coimisiún cinneadh lena n-údarófar síneadh na rialacha ar thug an Ballstát fógra ina leith más rud é:
  - (a) go gcomhlíontar forálacha Airteagal 26 agus Airteagal 27;

- (b) go gcomhlíontar na rialacha iomaíochta atá leagtha síos i gCaibidil VI;
  - (c) nach gcuireann an síneadh saorthrádail i mbaol;
  - (d) nach gcuirtear cuspóirí Airteagal 39 den Chonradh i mbaol.
3. Laistigh de dhá mhí tar éis dó an fógra a fháil, déanfaidh an Coimisiún cinneadh lena ndéanfar síneadh na rialacha a údarú nó a dhiúltú, agus cuirfidh sé sin iúl do na Ballstáit. I gcás nach mbeidh cinneadh déanta ag an gCoimisiún laistigh den tréimhse dhá mhí, measfar go bhfuil síneadh na rialacha údaraithe ag an gCoimisiún.

*Airteagal 30*  
*Údarú a tharraingt siar*

Féadfaidh an Coimisiún seiceálacha a dhéanamh agus féadfaidh sé an t-údarú a thug sé na rialacha a shíneadh a tharraingt siar i gcás ina suíonn sé go bhfuil aon cheann de na ceanglais maidir leis an údarú gan chomhlíonadh. Cuirfidh sé na Ballstáit ar an eolas ina thaobh.

*Airteagal 31*  
*Gníomhartha cur chun feidhme*

Déanfaidh an Coimisiún, trí bhíthin gníomhartha cur chun feidhme arna nglacadh i gcomhréir leis an nós imeachta scrúdúcháin dá dtagraítear in Airteagal 51, rialacha a bhunú maidir le formáid agus nós imeachta an fhógra dá dtagraítear in Airteagal 29(1).

**ROINN IV**  
**TÁIRGEADH AGUS MARGAÍOCHT A PHLEANÁIL**

*Airteagal 32*  
*Plean táirgthe agus margaíochta*

1. Cuirfidh gach táirgeoir plean táirgthe agus margaíochta faoi bhráid a údaráis inniúil náisiúnta chun na cuspóirí atá leagtha síos in Airteagal 3 a chomhlíonadh.
2. Formheasfaidh an Ballstát an plean. Nuair atá an plean faofa, cuirfidh an eagraíocht táirgeoirí chun feidhme é gan mhoill.
3. Féadfaidh eagraíochtaí táirgeoirí an plean táirgthe agus margaíochta a athbhreithniú, agus cuirfear an t-athbhreithniú sin chuig údaráis inniúla an Bhallstáit lena fhormheas.
4. Déanfaidh an eagraíocht táirgeoirí tuarascáil bhliantúil a bhunú i dtaca lena gníomhaíochtaí faoin bplean táirgthe agus margaíochta dá dtagraítear i mír 1, agus cuirfidh sé faoi bhráid údarás inniúil an Bhallstáit í.
5. Déanfaidh na Ballstáit seiceálacha chun a áirithiú go gcomhlíonfaidh gach eagraíocht táirgeoirí na hoibleagáidí dá bhforáiltear san Airteagal seo.

*Airteagal 33*  
*Gníomhartha tarmligthe*

Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 50 chun rialacha a leagan síos maidir le hábhar an phlean táirgthe agus margaíochta dá dtagraítear in Airteagal 32(1).

*Airteagal 34*  
*Gníomhartha cur chun feidhme*

Bunóidh an Coimisiún, trí bhíthin gníomhartha cur chun feidhme arna nglacadh i gcomhréir leis an nós imeachta scrúdúcháin dá dtagraítear in Airteagal 51, na rialacha nós imeachta agus na teorainneacha ama le haghaidh an plean táirgthe agus margaíochta dá dtagraítear in Airteagal 32 a bheith curtha isteach ag eagraíochtaí táirgeoirí agus faofa ag Ballstáit.

## **Roinn V**

### **Na margaí a chobhsú**

*Airteagal 35*  
*Meicníocht stórála*

Féadfaidh eagraíochtaí táirgeoirí stóráil na dtáirgí iascaigh atá liostaithe in Iarscríbhinn II a ghabhann leis an Rialachán seo a mhaoiniú, ar chuntar:

- (a) gur chuir an eagraíocht táirgeoirí na táirgí ar díol ach nach bhfuarthas ceannaitheoir ag an trucearphraghas dá dtagraítear in Airteagal 36;
- (b) go gcomhlíonann na táirgí na caighdeáin mhargaíochta arna nglacadh faoi Airteagal 39 agus gur de cháilíocht fóna go leor iad lena gcaitheamh ag an duine.
- (c) go ndéantar na táirgí a chobhsú nó a phróiseáil agus a stóráil trína reo, ar bord arthach nó i saoráidí ar tír, trína sailleadh, trína dtriomú, trína maranáidiú, agus, más ábhartha, trína mbruith agus trína bpaistéradh. Féadfaidh filléadú nó gearradh, agus i gcás inarb iomchuí, sciotádh cinn, a dhéanamh maille le ceann de na próisis thuasluaite.
- (d) go ndéanfar na táirgí atá stóráilte a thabhairt isteach sa mhargadh arís níos faide anonn lena gcaitheamh ag an duine.

*Airteagal 36*  
*Praghsanna ag a gcuirfear an mheicníocht stórála ar obair*

1. Roimh thús gach bliana, féadfaidh gach eagraíocht táirgeoirí moladh dá chuid féin a dhéanamh maidir le praghas a gcuirfeadh an mheicníocht stórála dá dtagraítear in Airteagal 35 ar obair i gcás na dtáirgí iascaigh atá liostaithe in Iarscríbhinn II.

2. Ní fhéadfaidh an trucearphraghas sin a bheith níos airde ná 80% den mheánphraghas ualaithe a taifeadadh i leith na táirgeachta i gceist i réimse gníomhaíochta na heagraíochta lena mbaineann le linn na dtrí bliana go díreach roimh an mbliain a bhfuil an trucearphraghas socraithe lena haghaidh.
3. Agus an trucearphraghas á chinneadh, cuirfear an méid seo a leanas san áireamh:
  - (a) treochtaí táirgthe agus éilimh;
  - (b) cobhsú praghsanna margaidh;
  - (c) cóineasú na margaí;
  - (d) ioncaim táirgeoirí;
  - (e) leasanna tomhaltóirí.
4. Tar éis dóibh na moltaí a rinne na heagraíochtaí táirgeoirí atá aitheanta ar a gcríoch a scrúdú, cinnfidh na Ballstáit na trucearphragsanna a bheidh le cur i bhfeidhm ag na heagraíochtaí táirgeoirí. Socrófar na praghsanna sin ar bhonn na gcritéar dá dtagraítear i mír 2 agus i mír 3. Poibleofar na praghsanna sin.

*Airteagal 37*  
*Gníomhartha cur chun feidhme*

Déanfaidh an Coimisiún, trí bhíthin gníomhartha cur chun feidhme arna nglacadh i gcomhréir leis an nós imeachta scrúdúcháin dá dtagraítear in Airteagal 51, rialacha a bhunú maidir leis an bhformáid ina bhfoilseoidh na Ballstáit na trucearphragsanna de bhun Airteagal 36(4).

## ROINN VI

### COMHCHISTE

*Airteagal 38*  
*Comhchiste*

Féadfaidh gach eagraíocht táirgeoirí comhchiste a chruthú nach n-úsáidfear ach chun na bearta seo a leanas a mhaoiniú:

- (a) pleananna táirgthe agus margaíochta arna bhformheas ag na Ballstáit i gcomhréir le hAirteagal 32;
- (b) meicníocht stórála a bhunú faoi Airteagal 35 agus Airteagal 36.

## **Caibidil III**

### **Caighdeán mhargaíochta**

#### *Airteagal 39* *Caighdeán mhargaíochta a bhunú*

1. Féadfar comhchaighdeán mhargaíochta a leagan síos maidir leis na táirgí atá liostaithe in Iarscríbhinn I atá ceaptha lena gcaitheamh ag an duine.
2. Féadfaidh baint a bheith ag na caighdeán dá dtagraítear i mír 1 leis na nithe seo a leanas go háirithe:
  - (a) íosmhéideanna margaíochta a ceapadh i bhfianaise na comhairle eolaíche is fearr dá bhfuil ar fáil agus atá i gcomhréir leis na méideanna tagartha caomhantais le haghaidh táirgí iascaigh dá dtagraítear in Airteagal 15(3) den Rialachán maidir leis an gComhbheartas Iascaigh;
  - (b) sonraíochtaí táirgí stánaithe atá i gcomhréir le ceanglais chaomhantais agus oibleagáidí idirnáisiúnta.
3. Beidh feidhm ag mír 1 agus mír 2 gan dochar do na nithe seo a leanas:
  - (a) Rialachán (CE) Uimh. 853/2004 ó Pharlaimint na hEorpa agus ón gComhairle ag leagan síos rialacha sonracha sláinteachais do bhia de thionscnamh ainmhíoch<sup>5</sup>;
  - (b) Rialachán (CE) Uimh. 1005/2008 ón gComhairle lena mbunaítear córas Comhphobail chun iascaireacht neamhdhleathach, neamhthuairiscithe agus neamhrialáilte a chosc, a dhíspreagadh agus a dhíothú<sup>6</sup>; agus
  - (c) Rialachán (CE) Uimh. 1224/2009 ón gComhairle lena mbunaítear córas rialaithe Comhphobail d'fhonn comhlíonadh rialacha an Chomhbheartais Iascaigh a áirithiú<sup>7</sup>.

#### *Airteagal 40* *Comhlíonadh caighdeán margaíochta*

1. Na táirgí a bhfuil caighdeán mhargaíochta leagtha síos ina leith, ní fhéadfar iad a mhargú san Aontas mar tháirgí atá ceaptha lena gcaitheamh ag an duine ach i gcomhréir leis na caighdeán sin.
2. Seiceálfad na Ballstáit an gcomhlíonann na táirgí atá faoi réir comhchaighdeán margaíochta na caighdeán sin. Féadfar na seiceálacha a dhéanamh ag gach céim den mhargú agus le linn an iompair.

---

<sup>5</sup> IO L 139, 30.4.2004, lch. 55.

<sup>6</sup> IO L 286, 29.10.2008, lch. 1.

<sup>7</sup> IO L 343, 22.12.2009, lch. 1.

3. Faoi fhreagracht na mBallstát, féadfar gach táirge iascaigh a chuirtear i dtír, lena n-áirítear táirgí nach gcomhlíonann na caighdeáin mhargaíochta, a dháileadh saor in aisce ar institiúidí daonchairdiúla nó carthanacha atá bunaithe san Aontas nó ar dhaoine atá aitheanta faoi reachtaíocht an Bhallstáit lena mbaineann mar dhaoine atá i dteideal cúnaimh phoiblí.

*Airteagal 41*  
*Gníomhartha tarmlichte*

Tabharfar de chumhacht don Choimisiún gníomhartha tarmlichte a ghlacadh i gcomhréir le hAirteagal 50 d'fhonn na comhchaighdeáin mhargaíochta dá dtagraítear i mír 39(1) a shainiú ó thaobh cáilíochta, méide nó meáchain, pacáistíochta, cur i láthair agus lipéadú, agus – má léiríonn a gcur chun feidhme go bhfuil sé riachtanach – iad a leasú, á áirithiú dó go saineofar na caighdeáin ar bhealach cothrom trédhearcach;

## **Caibidil IV**

### **Faisnéis do thomhaltóirí**

*Airteagal 42*  
*Faisnéis shainordaitheach*

1. Táirgí iascaigh agus dobharshaothraithe dá dtagraítear in (a), (b), (c) agus (e) d'Iarscríbhinn I agus a mhargaítear san AE, beag beann ar a dtionscnamh, ní fhéadfar iad a thairiscint lena ndíol leis an tomhaltóir deiridh mura mbeidh marcáil nó lipéad iomchuí orthu á thabhairt le fios:
  - (a) sonrúchán tráchtála an speicis;
  - (b) an modh táirgthe, trí úsáid na bhfrásaí seo a leanas go háirithe: "...arna ghabháil...", "...arna ghabháil i bhfíoruisce", nó "...arna shaothrú...";
  - (c) an limistéar inar gabhadh an táirge nó inar saothraíodh é;
  - (d) an dáta gabhála i gcás táirgí iascaigh nó an dáta buainte i gcás táirgí dobharshaothraithe;
  - (e) cé acu atá an táirge úr nó díreoite;
2. Táirgí iascaigh agus dobharshaothraithe dá dtagraítear in (h) agus (i) d'Iarscríbhinn I agus a mhargaítear san AE, beag beann ar a dtionscnamh, ní fhéadfar iad a thairiscint lena ndíol leis an tomhaltóir deiridh mura mbeidh marcáil nó lipéad iomchuí orthu á thabhairt le fios:
  - (a) sonrúchán tráchtála an speicis;
  - (b) an modh táirgthe, trí úsáid na bhfrásaí seo a leanas go háirithe: "...arna ghabháil...", "...arna ghabháil i bhfíoruisce", nó "...arna shaothrú...";
  - (c) an limistéar inar gabhadh an táirge nó inar saothraíodh é;



3. Beidh an fhaisnéis dá dtagraítear i mír 1 agus i mír 2 soiléir inléite.
4. Beidh feidhm ag mír 1, 2, agus 3 gan dochar do na nithe seo a leanas:
  - (a) Treoir 2000/13/CE an 20 Márta 2000 maidir le comhfhogasú dhlíthe na mBallstát maidir le lipéadú, cur i láthair agus fógraíocht ar bhia-ábhair<sup>8</sup>;
  - (b) Rialachán (CEE) Uimh. 2136/89 ón gComhairle an 21 Meitheamh 1989 lena leagtar síos comhchaighdeán mhargaíochta maidir le sairdíní leasaithe<sup>9</sup>;
  - (c) Rialachán (CEE) Uimh. 1536/92 ón gComhairle an 9 Meitheamh 1992 lena leagtar síos comhchaighdeán mhargaíochta maidir le tuinníní agus boiníotó leasaithe<sup>10</sup>;

*Airteagal 43*  
*Sonrúcháin tráchtála*

Chun críocha Airteagal 42 agus mhíreanna 1(a) agus 2(a), tarraingeoidh na Ballstáit suas liosta sonrúcháin tráchtála a nglactar leo ar a gcríoch, agus foilseoidh siad an liosta sin. Beidh an méid seo a leanas sa liosta:

- (a) ainm eolaíoch gach speicis de réir an chórais faisnéise FishBase;
- (b) ainm an speicis i dteanga oifigiúil nó i dteangacha oifigiúla an Bhallstáit;
- (c) i gcás inarb infheidhme, aon ainm nó aon ainmneacha eile áitiúla nó réigiúnacha a nglactar nó atá ceadaithe.

*Airteagal 44*  
*Sonra limistéar na gabhála nó an táirgthe*

1. Is éard a bheidh i sonra limistéar na gabhála nó limistéar na táirgthe i gcomhréir le mír 1(c) agus mír 2(c), na nithe seo a leanas:
  - (a) i gcás táirgí iascaigh arna ngabháil ar muir, ainm ceann de na limistéir, de na folimistéir nó de na ranna atá liostaithe i measc Limistéir Iascaigh na hEagraíochta Bia agus Talmhaíochta;
  - (b) i gcás táirgí iascaigh arna ngabháil i bhfionnaisce, tagairt do Bhallstát tionscnaimh nó do thríú tír tionscnaimh an táirge;
  - (c) i gcás táirgí do bharshaothraithe, tagairt don Bhallstát nó don tríú tír ina ndéantar an chéim dheiridh de shaothrú an táirge, ar céim í nach giorra ná trí mhí.
2. Le cois na faisnéise dá dtagraítear i mír 1, féadfaidh oibreoirí faisnéis níos beachte a thabhairt maidir leis limistéar na gabhála nó an táirgthe.

<sup>8</sup> IO L 109, 6.5.2000, lch. 29.

<sup>9</sup> IO L 212, 22.7.1989, lch. 79.

<sup>10</sup> IO L 163, 17.6.1992, lch. 1.

*Airteagal 45*  
*Faisnéis bhreise dheonach*

5. Mar aon leis an bhfaisnéis sainordaitheach a cheanglaítear de bhun Airteagal 42, féadfar an fhaisnéis seo a leanas a sholáthar ar bhonn deonach:
- (a) faisnéis maidir leis an gcomhshaol;
  - (b) faisnéis eiticiúil nó shóisialta;
  - (c) faisnéis maidir le teicnící táirgthe;
  - (d) faisnéis maidir le cleachtais táirgthe;
  - (e) faisnéis maidir le cion cothaithe an táirge.
6. Ní chúngóidh an fhaisnéis dheonach ar an áit atá curtha i leataobh ar an marcáil agus ar an lipéadú don fhaisnéis shainordaitheach
7. Beidh feidhm ag mír 1 gan dochar do na nithe seo a leanas:
- (a) Treoir 2000/13/CE;
  - (b) Treoir 90/496/CEE an 24 Meán Fómhair 1990 maidir le lipéadú cothaithe ar earraí bia<sup>11</sup>;
  - (c) Rialachán (CE) 1924/2006 an 20 Nollaig 2006 maidir le maímh maidir le cothú nó sláinte ar bhia<sup>12</sup>;
  - (d) Rialachán (CE) 510/2006 maidir le sonraí geografacha agus tuairiscí tionscnaimh do tháirgí talmhaíochta agus do bhia-ábhair a chosaint<sup>13</sup>;
  - (e) Rialachán (CE) Uimh. 509/2006 maidir le táirgí talmhaíochta agus earraí bia mar speisaltachtaí traidisúnta atá ráthaithe<sup>14</sup>; agus
  - (f) Rialachán Uimh. 834/2007 maidir le táirgeadh orgánach agus maidir le lipéadú táirgí orgánacha.

*Airteagal 46*  
*Gníomhartha tarmligthe*

Tabharfar de chumhacht don Choimisiún gníomhartha tarmligthe a ghlacadh i gcomhréir le hAirteagal 50 chun an méid seo a leanas a dhéanamh:

---

<sup>11</sup> IO L 276, 6.10.1990, lch. 40.

<sup>12</sup> IO L 404, 30.12.2006, lch. 9.

<sup>13</sup> IO L 93, 31.3.2006, lch. 12.

<sup>14</sup> IO L 93, 31.3.2006, lch. 1.

- (a) na ceanglais maidir le faisnéis shainordaitheach dá dtagraítear in Airteagail 42(1), 42(2), 43 agus 44 a fhorlíonadh nó a leasú, á áirithiú go soláthraítear an fhaisnéis shainordaitheach ar bhealach cruinn trédhearcach;
- (b) íoschritéir a leagan síos maidir le faisnéis a sholáthraíonn oibreoirí go deonach dá dtagraítear in d'Airteagal 45(1), á áirithiú go bhfuil na coinníollacha maidir le taispeáint na faisnéise sin cruinn, trédhearcach agus neamh-idirdhealaitheach.

## **Caibidil V**

### **Rialacha iomaíochta**

#### *Airteagal 47*

#### *Cur chun feidhme na rialacha iomaíochta*

Beidh feidhm ag Airteagail 101 go 106 den Chonradh agus ag a bhforálacha cur chun feidhme maidir le comhaontuithe, cinntí, agus cleachtais dá dtagraítear in Airteagail 101(1) agus 102 den Chonradh a bhaineann le táirgeadh nó margaíocht táirgí iascaigh agus dobharshaothraithe.

#### *Airteagal 48*

#### *Eisceachtaí ar chur i bhfeidhm na rialacha iomaíochta*

1. D'ainneoin Airteagal 47 den Rialachán seo, ní bheidh feidhm ag Airteagal 101(1) den Chonradh maidir leis na comhaontuithe, na cinntí agus na cleachtais de chuid eagraíochtaí táirgeoirí a bhaineann le táirgeadh nó díol táirgí iascaigh agus dobharshaothraithe nó le húsáid comhshaoaráidí chun táirgí den sórt sin a stóráil, a chóireáil nó a phróiseáil, agus ar comhaontuithe, cinntí agus cleachtais iad:
  - (d) atá riachtanach chun na cuspóirí atá leagtha amach in Airteagal 39 den Chonradh a bhaint amach;
  - (b) nach bhfuil aon oibleagáid ag baint leo praghsanna comhionanna a mhuirearú;
  - (c) nach mbeidh mar thoradh orthu deighilt de shaghas ar bith sna margaí laistigh den Aontas;
  - (d) nach gcuireann cosc ar an iomaíocht;
  - (e) nach gcuireann baint amach chuspóirí Airteagal 39 den Chonradh i mbaol.
2. D'ainneoin Airteagal 47 den Rialachán seo, ní bheidh feidhm ag Airteagal 101(1) den Chonradh maidir le comhaontuithe, cinntí agus cleachtais de chuid eagraíochtaí idirchraoibhe:
  - (a) atá riachtanach chun na cuspóirí atá leagtha amach in Airteagal 39 den Chonradh a bhaint amach;
  - (b) nach bhfuil aon oibleagáid ag baint leo praghas socraithe a chur i bhfeidhm;

- (c) nach mbeidh mar thoradh orthu deighilt de shaghas ar bith sna margadí laistigh den Aontas;
- (d) nach gcuireann coinníollacha neamhchosúla i bhfeidhm maidir le hidirbhearta coibhéiseacha a dhéantar le páirtithe eile trádála i slí go gcuirfear faoi mhíbhuntáiste iomaíochta iad;
- (e) nach ndíchuireann an iomaíocht i ndáil le sciar mór de na táirgí i gceist;
- (f) nach gcuireann srian ar an iomaíocht ar bhealaí nach bhfuil sár-riachtanach chun cuspóirí an Chomhbheartais Iascaigh a bhaint amach.

## **Caibidil VI**

### **Faisnéis maidir leis an margadh**

#### *Airteagal 49* *Faisnéis faoin margadh*

1. Déanfaidh an Coimisiún an méid seo a leanas:
  - (a) eolas eacnamaíoch agus tuiscint ar mhargadh an Aontais i dtáirgí iascaigh agus do Bharshaothraithe a bhailiú, a anailísiú agus a chraobhscaoileadh feadh an tslabhra soláthair, agus an comhthéacs idirnáisiúnta á chur san áireamh;
  - (b) suirbhéanna a dhéanamh go tráthrialta ar phraghsanna feadh shlabhra soláthair táirgí iascaigh agus do Bharshaothraithe an Aontais, agus treochtaí margaidh a anailísiú;
  - (c) staidéir ad hoc ar an margadh a sholáthar, mar aon le modheolaíocht chun suirbhéanna ar phraghasmhúnlú a dhéanamh.
2. Chun na cuspóirí dá dtagraítear i mír 1 a bhaint amach, úsáidfidh an Coimisiún na bearta seo a leanas:
  - (a) rochtain a éascú ar na sonraí atá ar fáil maidir le táirgí iascaigh agus do Bharshaothraithe arna mbailiú de bhun reachtaíocht an Aontais;
  - (b) faisnéis maidir leis an margadh a chur ar fáil do na geallsealbhóirí, ag an leibhéal cuí.
3. Rannchuideoidh na Ballstáit le baint amach na gcuspóirí dá dtagraítear i mír 1.

## Caibidil VII

### Forálacha nós imeachta

#### *Airteagal 50* *Feidhmiú an tarmligin*

1. Tugtar de chumhacht don Choimisiún gníomhartha tarmligthe a ghlacadh faoi réir na gcoinníollacha atá leagtha síos san Airteagal seo.
2. Go ceann tréimhse neamhchinntithe ón [...] a thabharfar tarmligean na cumhachta dá dtagraítear in Airteagail 24, 33, 41 agus 46.
3. Féadfaidh Parlaimint na hEorpa nó an Chomhairle tarmligean na cumhachta dá dtagraítear in Airteagail 24, 33, 41 agus 36 a chúlghairm tráth ar bith. Nuair a dhéantar cinneadh cúlghairm a dhéanamh, cuirfear deireadh le tarmligean na gcumhachtaí atá sonraithe sa chinneadh sin. Beidh éifeacht aige ón lá tar éis lá fhoilsíú an chinnidh in *Iris Oifigiúil an Aontais Eorpaigh* nó ag dáta ina dhiaidh sin arna shonrú ann. Ní dhéanfaidh sé difear do bhailíocht aon cheann de na gníomhartha tarmligthe atá i bhfeidhm cheana féin.
4. A luaithe a ghlacann sé gníomh tarmligthe, tabharfaidh an Coimisiún fógra ina leith go comhuaineach do Pharlaimint na hEorpa agus don Chomhairle.
5. Ní thiocfaidh gníomh tarmligthe a ghactar de bhun Airteagail 24, 33, 41 agus 46 i bhfeidhm ach amháin mura bhfuil agóid déanta ag Parlaimint na hEorpa ná ag an gComhairle ina choinne laistigh de thréimhse 2 mhí ó cuireadh Parlaimint na hEorpa agus an Chomhairle ar an eolas faoin ngníomh sin nó, roimh don tréimhse sin dul in éag, má tá sé curtha in iúl ag Parlaimint na hEorpa agus ag an gComhairle araon nach ndéanfaidh siad agóid ina choinne. Cuirfear dhá mhí leis an tréimhse sin ar thionscnamh ó Pharlaimint na hEorpa nó ón gComhairle.

#### *Airteagal 51* *Cur chun feidhme*

1. Beidh coiste de chúnamh ag an gCoimisiún. Coiste de réir bhrí Rialachán (AE) Uimh. 182/2011 a bheidh sa choiste sin.
2. I gcás ina ndéanfar tagairt don mhír seo, beidh feidhm ag Airteagal 5 de Rialachán (AE) Uimh. 182/2011 .

## Caibidil VIII

### Forálacha críochnaitheacha

*Airteagal 52*  
*Leasú ar Rialachán (CE) Uimh. 1184/2006*

In Airteagal 1 de Rialachán (CE) Uimh. 1184/2006 cuirtear na focail seo a leanas isteach:

"agus Rialachán (AE) Uimh. ... ó Pharlaimint na hEorpa agus ón gComhairle, an ... maidir le comheagraíocht na margat i dtáirgí iascaigh agus do Bharshaothraithe (\*)"

(\*) IO ..."

*Airteagal 53*  
*Aisghairm*

Aisghairtear leis seo Rialachán (CE) Uimh. 104/2000. Beidh feidhm ag Airteagail 9, 10, 11, 17, 18, 19, 20, 21, 22, 23, 24, 25, 26, 27, 34, 35, 36, 37, 38 agus 39 de go dtí an 31 Nollaig 2013, áfach.

Déanfar tagairtí don Rialachán aisghairthe a fhorléiriú mar thagairtí don Rialachán seo agus léifear iad i gcomhréir leis an tábla comhghaoil in Iarscríbhinn III.

54  
*Athbhreithniú*

Tuairisceoidh an Coimisiún do Pharlaimint na hEorpa agus don Chomhairle maidir le torthaí chur i bhfeidhm an Rialacháin seo roimh dheireadh 2022.

*Airteagal 55*  
*Teacht i bhfeidhm*

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige ón 1 Eanáir 2013, ach amháin Airteagal 32, 35 agus 36 a mbeidh feidhm acu ón 1 Eanáir 2014.

Beidh an Rialachán seo ina cheangal go huile agus go hiomlán agus beidh sé infheidhme go díreach sna Ballstáit i gcomhréir leis na Conarthaí.

Arna dhéanamh sa Bhruiséil, an [...]

*Thar ceann Pharlaimint na hEorpa*  
*An tUachtarán [...]*

*Thar ceann na Comhairle*  
*An tUachtarán [...]*

## IARSCRÍBHINN I

Cód AC	Tuairisc ar na hearraí
(a) 0301	Iasc beo
0302	Iasc úr nó fuaraithe, seachas filléid éisc agus feoil eile éisc atá faoi cheannteideal 0304
0303	Iasc reoite, seachas filléid éisc agus feoil eile éisc atá faoi cheannteideal 0304
0304	Filléid éisc agus feoil eile éisc (bíodh sí mionaithe nó ná bíodh) atá úr, fuaraithe nó reoite
(b) 0305	Iasc triomaithe, saillte nó faoi sháile; iasc deataithe, bíodh sé cócaráilte roimh an bpróiseas deataithe nó lena linn; plúir, min agus millíní éisc, atá oiriúnach lena gcaitheamh ag an duine
(c) 0306	Crústaigh bheo, úra, fuaraithe, reoite, triomaithe, saillte nó faoi sháile, bídís sa bhlaosc nó ná bíodh; crústaigh sa bhlaosc, cócaráilte le gal nó beirthe in uisce, bídís fuaraithe, reoite, triomaithe, saillte nó faoi sháile nó ná bíodh; plúir, min agus millíní crústach, atá oiriúnach lena gcaitheamh ag an duine
0307	Moilisc bheo, úra, fuaraithe, reoite, triomaithe, saillte nó faoi sháile, bídís sa bhlaosc nó ná bíodh; inveirteabraigh uisce, seachas crústaigh agus moilisc, bheo, úra, fuaraithe, reoite, triomaithe, saillte nó faoi sháile; plúir, min agus millíní inveirteabrach uisce, seachas crústaigh, atá oiriúnach lena gcaitheamh ag an duine
(d)	Táirgí ainmhíocha nach bhfuil sonraithe ná áirithe in áit eile; ainmhithe marbha dá dtagraítear i gCaibidil 1 nó i gCaibidil 3, atá mí-oiriúnach lena gcaitheamh ag an duine:  - Eile  - - Táirgí éisc nó crústach, moileasc nó inveirteabrach eile uisce; ainmhithe marbha dá dtagraítear i gCaibidil 3:  - - - Dramhaíl éisc  0511 91 10 - - - Eile  0511 91 90
(e) 1212 20 00	- Cineálacha feamainne agus algaí eile
(f)	Saill agus olaí éisc agus a gcodáin, bídís scagtha nó ná bíodh, nach bhfuil modhnú ceimiceach déanta orthu:  1504 10 - Olaí aenna éisc agus a gcodáin  1504 20 - Saill agus olaí éisc, agus a gcodáin, seachas olaí aenna
(g) 1603 00	Úisc agus súnna ó fheoil, éisc nó crústach, moileasc nó inveirteabrach eile uisce
(h) 1604	Iasc ullmhaithe nó leasaithe; caibheár agus caibheár ionaid a ullmhaíodh ó uibheacha éisc
(i) 1605	Crústaigh, moilisc agus inveirteabraigh eile uisce, ullmhaithe nó leasaithe
(j)	Pasta, bíodh sé cócaráilte nó stuáilte (le feoil nó le substaintí eile), nó bíodh sé ullmhaithe ar

bhealaí eile nó ná bíodh, mar shampla spaigití, macarón, núdail, lasáinne, gnocchi, ravioli, cannelloni; cúscús, bíodh sé ullmhaithe nó ná bíodh

- 1902 20 - Pasta stuáilte, bíodh sé cócaráilte nó ullmhaithe ar bhealach eile:
- 1902 20 10 - - ina bhfuil níos mó ná 20%, de réir meacháin, iasc, crústach, moileasc nó inveirteabhrach eile uisce
- (k) Plúir, min agus millíní, ó fheoil agus ó mhiodamas feola, éisc nó crústach, moileasc nó inveirteabhrach eile uisce, nach bhfuil oiriúnach lena gcaitheamh ag an duine; geirdheascadh:
- 2301 20 00 - Plúir, min agus millíní, éisc nó crústach, moileasc nó inveirteabhrach eile uisce
- (l) Ullmhóidí den chineál a úsáidtear i mbeathú ainmhithe
- 2309 90 - Eile:
- ex 2309 90 - - Ábhair intuaslagtha éisc  
10



## IARSCRÍBHINN II

<b>Cód AC</b>	<b>Tuairisc ar na hearraí</b>
0302 22 00	Leathóga ( <i>Pleonectes platessa</i> )
ex 0302 29 90	Dabaí ( <i>Limanda limanda</i> )
0302 29 10	Scaoilteáin ( <i>Lepidorhombus</i> spp.)
ex 0302 29 90	Leitheanna ( <i>Platichthys flesus</i> )
0302 31 10	Tuinníní colgacha ( <i>Thunnus alalunga</i> )
agus	
0302 31 90	
ex 0302 40	Scadáin de chuid an speicis <i>Clupea harengus</i>
0302 50 10	Troisc de chuid an speicis <i>Gadus morhua</i>
0302 61 10	Sairdíní de chuid an speicis <i>Sardina pilchardus</i>
0302 62 00	Cadóga ( <i>Melanogrammus aeglefinus</i> )
0302 63 00	Glasáin ( <i>Pollachius virens</i> )
ex 0302 64	Ronnaigh de chuid an speicis <i>Scomber scombrus</i> agus <i>Scomber japonicus</i>
0302 65 20	Fíogaigh ( <i>Squalus acanthias</i> agus <i>Scyliorhinus</i> spp.)
agus	
0302 65 50	
0302 69 31	Péirsí mhara ( <i>Sebastes</i> spp.)
agus	
0302 69 33	
0302 69 41	Faoitíní ( <i>Merlangius merlangus</i> )
0302 69 45	Langaí ( <i>Molva</i> spp.)
0302 69 55	Ainseabhaithe ( <i>Engraulis</i> spp.)
ex 0302 69 68	Colmóirí de chuid an speicis <i>Merluccius merluccius</i>
0302 69 81	Láimhínigh ( <i>Lophius</i> spp.)
ex 0307 41 10	Cudail ( <i>Sepia officinalis</i> agus <i>Rossia macrosoma</i> )
ex 0306 23 10	Séaclaí de chuid an speicis <i>Crangon crangon</i> agus séaclaí Artacha ( <i>Pandalus borealis</i> )
ex 0306 23 31	
ex 0306 23 39	
0302 23 00	Sóil ( <i>Solea</i> spp.)
0306 24 30	Portáin dhearga ( <i>Cancer pagurus</i> )
0306 29 30	Gliomaigh na hIorua ( <i>Nephrops norvegicus</i> )

0303 31 10	Haileabónna Graonlannacha ( <i>Reinhardtius hipoglossoides</i> )
0303 78 11	Colmóirí de chuid an speicis <i>Merluccius</i>
0303 78 12	
0303 78 13	
0303 78 19	
agus	
0303 29 55	
0304 29 56	
0304 29 58	
0303 79 71	Garbhánaigh ( <i>Dentex dentex</i> agus <i>Pagellus</i> spp.)
0303 61 00	Colgáin ( <i>Xiphias Gladius</i> )
0304 21 00	
0304 91 00	
0306 13 40	Séaclaí de chuid na fine <i>Penaeidae</i>
0306 13 50	
ex 0306 13 80	
0307 49 18	Cudaíl de chuid na speiceas <i>Sepia officinalis</i> , <i>Rossia macrosoma</i> agus <i>Sepiola rondeletti</i>
0307 49 01	
0307 49 31	Scuideanna ( <i>Loligo</i> spp.)
0307 49 33	
0307 49 35	
agus	
0307 49 38	
0307 49 51	Scuideanna ( <i>Ommastrephes sagittatus</i> )
0307 59 10	Ochtapais ( <i>Octopus</i> spp.)
0307 99 11	<i>Illex</i> spp.
0303 41 10	Tuinní colgacha ( <i>Thunnus alalunga</i> )
0302 32 10	Tuinníní buí ( <i>Thunnus albacares</i> )
0303 42 12	
0303 42 18	
0303 42 42	
0303 42 48	
0302 33 10	Boiníotó aigéanach ( <i>Katsuwonus pelamis</i> )
0303 43 10	
0303 45 10	Tuinníní gorma ( <i>Thunnus thynnus</i> )
0302 39 10	Speicis eile de chuid na ngéineas <i>Thunnus</i> agus <i>Euthynnus</i>
0302 69 21	
0303 49 30	
0303 79 20	

ex 0302 29 90	Leathóga míne ( <i>Microstomus kitt</i> )
0302 35 10	Tuinníní gorma ( <i>Thunnus thynnus</i> )
agus	
0302 35 90	
ex 0302 69 51	Mangaigh ( <i>Pollachius pollachius</i> )
0302 69 75	Sáimhíní ( <i>Brama spp.</i> )
ex 0302 69 82	Faoitíní gorma ( <i>Micromesistius poutassou</i> nó <i>Gadus poutassou</i> )
ex 0302 69 99	Troscáin stopóige ( <i>Trisopterus luscus</i> ) agus miontroisc ( <i>Trisopterus minutus</i> )
ex 0302 69 99	Bogue ( <i>Boops boops</i> )
ex 0302 69 99	Picréil ( <i>Spicara smaris</i> )
ex 0302 69 99	Eascanna concair ( <i>Conger conger</i> )
ex 0302 69 99	Cnúdáin ( <i>Trigla spp.</i> )
ex 0302 69 91	Bolmáin ( <i>Trachurus spp.</i> )
ex 0302 69 99	
ex 0302 69 99	Milléid ( <i>Mugil spp.</i> )
ex 0302 69 99	Sciataí ( <i>Raja spp.</i> )
agus	
ex 0304 19 99	
ex 0302 69 99	Scabairdís ( <i>Lepidopus caudatus</i> agus <i>Aphanopus carbo</i> )
ex 0307 21 00	Muiríní móra ( <i>Pecten maximums</i> )
ex 0307 91 00	Cuachmaí ( <i>Buccinum undatum</i> )
ex 0302 69 99	Milléid cheannchothroma nó milléid dhearga ( <i>Mullus surmuletus</i> , <i>Mullus barbatus</i> )
ex 0302 69 99	Sáimhíní ( <i>Spondyliosoma cantharus</i> )

### IARSCRÍBHINN III

#### TÁBLA COMHGHAOIL

<b>Rialachán (CE) Uimh. 104/2000</b>	<b>An Rialachán seo</b>
Airteagal 1	Airteagail 1, 2, 3, 4, 5
Airteagail 2, 3	Airteagail 39, 40, 41
Airteagal 4	Airteagail 42, 43, 44, 45, 46
Airteagal 5(1)	Airteagail 6, 7, 8, 9, 10, 11, 12, 13
Airteagail 5(2), 5(3), 5(4), 6	Airteagail 17, 19, 20, 21, 22, 23, 24, 25
Airteagal 7	Airteagail 26, 28, 29, 30, 31
Airteagal 8	-
Airteagail 9, 10, 11, 12	Airteagail 32, 33, 34, 38
Airteagal 13	Airteagail 14, 15, 16, 18, 19, 20, 22, 23, 24, 25
Airteagal 14	Airteagal 48(2)
Airteagal 15	Airteagal 27
Airteagal 16	Airteagail 28, 29, 30, 31
Airteagail 17, 18, 19, 20, 21, 22, 23, 24, 25, 26, 27	Airteagail 35, 36, 37, 38
Airteagail 28, 29, 30, 31, 32, 33	-
Airteagal 34	Airteagail 22, 25, 37
Airteagal 35	-
Airteagal 36	-
Airteagal 37	Airteagail 50, 51
Airteagail 38, 39	Airteagal 51
Airteagal 40	-
Airteagal 41	Airteagal 54
Airteagal 42	Airteagail 52, 53

Airteagal 43	Airteagal 55
-	Airteagal 47
-	Airteagal 48(1)
-	Airteagal 49